

Član 3.

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 14-03-14-03981/19 - 1 od 15.08.2019. godine – "Nabavka, isporuka i instalacija licenci za automatiziranje kancelarijskog poslovanja za potrebe Kantonalne uprave za inspeksijske poslove Kantona Sarajevo". Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke iznosi 14.600,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem: 7743-7-1-1-3-1/19, od 16.08.2019. godine

U skladu sa objavom obavještenja na portalu javnih nabavki, Komisija je dostavila pozive sljedećim ponuđačima: 1. "PROCOM" DOO Tuzla; 2. "BBS" DOO Sarajevo; 3. "INFONET" DOO Tuzla. Rok za dostavu ponuda bio je 28.08.2019. godine do 14,00 h. Za navedenu javnu nabavku su u uredno zatvorenim kovertama dostavljene ponude od ponuđača:

1.	"PROCOM" DOO Tuzla, ul. Armije BiH br. 15, 75000 Tuzla
2.	"BBS" DOO Sarajevo, ul. Kranjčevićeva br. 39, 71000 Sarajevo

U skladu sa Odlukom o pokretanju postupka, Komisija za nabavku roba formirana Odlukom broj: 14-01-14-02819/19 od 18.06.2019. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu za dostavu ponuda. Zapisnik o pregledu i ocjeni ponuda broj: 14-03-14-03981/19-6 od 28.08.2019. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda dva (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da ponuda ponuđača "BBS" DOO Sarajevo ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- da ponuda ponuđača "PROCOM" DOO Tuzla ne ispunjava uslove propisane od strane ugovornog organa.

Naime, navedeni ponuđač "PROCOM" DOO Tuzla je propustio da dostavi poslovni bilans stanja i bilans uspjeha za 2018. godinu, a kako je zahtijevano u tenderskoj dokumentaciji (str. 4 TD stavka "III *Ekonomska i finansijska sposobnost*: a) *Ponuđač je dužan dostaviti poslovni bilans stanja i bilans uspjeha za 2018. godinu, u smislu člana 47. stav (1) tačka c) Zakona, kojim treba dokazati pozitivno poslovanje u navedenim godinama poslovanja.*

Dokaz se dostavlja kao obična kopija zajedno sa izjavom koju ovjerava ponuđač, čija forma je propisana od strane Agencije za javne nabavke, a čiji obrazac je sastavni dio ove tenderske dokumentacije u obliku Priloga br. 4.

Ponuda ponuđača "PROCOM" DOO Tuzla se odbija jer nije potpuna i ne ispunjava zahtjeve iz TD, a u skladu sa članom 68. stav (4) tačka i) ZJN.

Uzimajući u obzir da je Komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.